

四庫全書

集部

欽定四庫全書

宋藝圃集卷二十

明 李袞 編

陸游九十四首

明河篇

明河八月轉分明
炯如素練西南傾
年年歲歲見河漢
坊坊曲曲聞砧聲
良人萬里自行砧
聲中有玉關情
遙知鐵衣冷如水
指點明河白髮生
磧中草死駱駝鳴

金少...
卷二十
萬里却望長安城兒生總角爺未見歸心頓覺封侯輕
漢家自古有邊患付與窮荒何足惜只願無光太白低
還家為婦說征西

吳娘曲

鏡奩蠶出千黑蟻釵梁梅小雙青豆吳娘十四未知愁
羅衣已覺傷春瘦閒尋女伴過西家鬪草歸來日未斜
睡睫蒙蒙嬌欲閉隔簾微雨壓楊花

東吳女兒曲

東吳女兒語如鶯十三不肯學吹笙鏡奩初喜框蟻出
窗眼已看雙繭成庭空日暖花自舞簾卷巢乾燕新乳
阿弟貪書下學遲獨揀詩章教鸚鵡

芳草曲

蜀山深處遮孤驛缺甃傾垣芳草碧家在江南妻子病
離鄉半歲無消息長安城門西去路細靄斜陽芳草暮
樽前一曲渭城歌馬蹄萬里交河戍人生誤計覓封侯
芳草愁人春復秋只願東行至滄海路窮草斷始無愁

夏白紵

雲母屏薄望如空
水晶簾疎不礙風
美人獨立何所似
白玉芙蓉秋水中
素絹細織冰蠶縷
清寒不受人間暑
晚來浴罷綠窗閒
自把新詩教鸚鵡

芳華樓賞梅

素娥竊藥不奔月
化作江梅寄幽絕
天工丹粉不敢施
雪洗風吹見真色
出籬藏塢香細細
臨水隔煙情脉脉
一春花信二十四
縱有此香無此格
放翁年來百事情

惟見梅花愁欲破，金壺列置春滿屋。
寶髻斜簪光照坐，百榼淋漓玉笋飛。
萬人辟易銀鞍過，不惟豪橫壓清臞。
聊為詩人洗寒餓。

遊仙

飄飄鸞鶴杳難攀，萬里東遊海上山。
應有世人遙稽首，紫簫餘調落雲間。
初珥金貂謁紫皇，仙班最近玉爐香。
為憐未慣層霄冷，獨賜流霞九醞觴。
玉殿吹笙第一仙，花前奏罷色悽然。
憶曾偷學春愁曲，謫在人間五百年。

泊公安縣

秦關蜀道何遼哉
公安渡頭今始回
無窮江水與天接
不斷海風吹月來
船窗簾捲螢火鬧
沙渚露下蘋花開
少年許國忽衰老
心折柁樓聞笛哀

浣溪女

江頭女兒雙髻了
常隨阿母共桑麻
當戶夜織聲唧啞
地爐豆蕪煎土茶
長成嫁與東西家
柴門相對不上車
青裙竹笥何所嗟
插髻擘擘牽牛花
城中妖姝臉如霞

爭嫁官人慕高華青驪一出天之涯年年傷春抱琵琶
八月十四日夜三义市觀月

去年看月籌邊樓雲罇微光如玉鈎主人不樂客歎息
清歌空送黃金舟今年看月三义市纖雲不作良宵累
素娥命駕掃客愁我亦傾杯邀共醉風露萬里方渺然
冰輪無轍行碧天盈盈耿耿意無盡月不忍落人忘眠
一言欲報廣寒殿茅簷華屋均相見明年萬事不足論
但願月滿人長健

大雪歌

長安城中三日雪
潼關道上行
人絕黃河鐵牛僵不動
承露金盤動欲折
虬髯豪客狐白裘
夜來醉眠寶釵樓
五更未醒已上馬
衝雪却作南山遊
千年老虎獵不得
一箭橫穿雪皆赤
拏弓爭死作牛吼
震動山村列崖石
曳歸擁路千人觀
髑髏作枕皮蒙鞍
人間壯士有如此
胡不來歸漢天子

玻璃江

玻璃江水三丈深不如江上離人心君行未過青衣縣
妾心先到娥眉陰金尊共酌不知曉月落煙渚天橫參
車輪無角留不住馬蹄不方何處尋空憑尺素寄幽恨
縱有綠綺誰知音愁來只欲掩屏睡無奈夢斷聞疎砧

對酒

羨門安期何在哉河流上泝崑崙開白雲不與隱居老
孤鶴自下遼天來春江風物政閒美綠浦潮平拖初起
暮吹長笛發巴陵曉掛高帆渡湘水世間萬變更故新

會當太息摩銅人脫裘取酒藉芳草與子共醉壺中春
題少陵畫像

長安落葉紛可掃九陌北風吹馬倒杜公四十不成名
袖裏空餘三賦草車聲馬聲喧客枕三百青銅市樓飲
杯殘鬢冷正悲辛仗內鬪鷄催賜錦

夜聞松聲有感

清晨放船落星石大風吹帆如箭激回頭已失廬山雲
却上吳城看落日夜深龍歸擘祠門入木數寸留爪痕

明朝就視心尚慄腥風捲地雷霆奔歸船買酒特自慰
性命平生驚屢試固知神怒有定時波紋覺作魚鱗細
如今衰病卧林垞霜覆茅簷月滿庭松聲驚破三更夢
猶作當時風浪聽

滄灘

百夫正謹助鳴鏜舟中對面不得語須臾人散寂無譁
惟聞百丈轉兩車嘔嘔啞啞車轉急舟人已在沙際立
霧斂蘆村落照紅雨餘漁舍炊烟濕故鄉回首已千山

上峽初經第一灘少年亦慕宦游樂投老方知行路難
驛路海棠已過有感

淒涼古驛官道傍朱門沉沉春日長暄妍光景老海棠
顛風吹花滿空廊物生憔悴固其常惜哉無與持一觴
游蜂戲蝶空自忙豈知美人在西廂我雖已老猶能狂
竚立與爾悲容光盛時不遇誠可傷零落逢之更斷腸

山南行

我行山南已三日如繩大路東西出平川沃野望不盡

麥隴青青桑鬱鬱地近秦函氣俗豪秋千蹴踘分朋曹
首着連雲馬蹄疾楊柳夾道車聲高古來歷歷興亡處
舉目山河尚如故將軍壇上冷雲低丞相祠前春日暮
國家四紀失中原師出江淮未易吞會看金鼓從天下
却用關中作本根

龍掛

成都六月天大風覆屋動地聲勢雄黑雲崔嵬行風中
凜如鬼神塞虛空霹靂迸火射地紅上帝有命起伏龍

龍尾不卷曳天東壯哉雨點車軸同山灌水溢路不通
連根拔出千丈松未言為人作年豐偉觀一洗芥蒂胸
夏夜不寐

急雨初過天宇濕大星磊落纔數十饑鵲掠簷聲磔磔
冷螢墮水光熠熠丈夫無成忽老大箭羽凋零劍鋒溢
徘徊欲睡復起行漏下三更凭欄立

成都行

倚錦瑟擊玉壺吳中狂士游成都成都海棠十萬株繁

華盛麗天下無青絲金絡白雪駒日斜馳遣迎名姝
脂褪盡見玉膚綠鬟半脫嬌不梳吳綾便面對客書斜
行小字密復踈墨君秀潤瘦不枯風枝雨葉蕭蕭殊月
浸羅襪清夜徂滿身花影醉索扶東來此歡墮空虛坐
悲新霜點鬢鬚易求合浦千斛珠難覓錦江雙鯉魚

對酒

閒愁如飛雪入酒即消融好花如故人一笑杯自空流
鶯有情亦念我柳邊盡日啼東風長安不到十四載酒

徒往往成衰翁九環寶帶光照地不如留君雙頰紅

月夕

我昔隱天台夜半遊勾曲弄月過垂虹萬頃一片玉烟
艇起菱唱松風吹釣絲更欲小徙倚恐失初平期今年
游青城三十六峯巒白雲反在下使我毛骨寒天如玻
瓈盆倒懸濕銀海素壁行其間草木盡光彩姮娥顧我
笑手撫玉兔兒莫怪世人生白髮秋風桂老欲無枝

獨立

獨立柴荆外，頽然一秃翁。
亂山吞落日，野水到寒空。
憂患工催老，飄零敢諱窮。
漁歌亦何恨，悽斷滿西風。

獨夜

燈花寒自結，雪片夜方深。
瘦影參危坐，清愁入苦吟。
江湖身汗漫，藥石病侵尋。
朋舊凋零盡，何人識此心。

欲行雨未止

幽慢依燈影，空階雨送聲。
暫歸仍客路，投老倍鄉情。
眼澁書難讀，心搖夢易驚。
病多獨怕醉，酒盡却思傾。

聞角

小閣柴門近黃昏畫角聲時時逐風散
媚媚伴愁生天地清秋暮關河殘月明
湖南猶未破獨立久含情

寄楊濟伯

聞道皇華使來從萬里回五溪春薺老
三峽暮猿哀昔日文昌省頻年灩澦堆
問君何地險斟酌寄聲來

舍北搖落景物殊佳偶作四首

今年冬候晚仲月始微霜野日明楓葉
江風斷鴈行窮

途多藉躪老景易悲傷
自笑詩情懶蕭然舊錦囊

二

路擁新霜葉溪餘舊漲沙
棲鳥初滿樹歸鴨各知家
世事元堪笑吾生固有涯
南村聞酒熟試遣小童賒

三

屋角成金字溪流作縠紋
斜通小橋路半掩夕陽門
孤艇衝烟過疎鐘隔塢聞
杜門非獨病實自厭紛紛

四

草徑人稀到柴扉手自開林疎鴉小泊溪淺鷺頻來簷
角除瓜蔓牆隅斲芋魁東隣膳肉至一笑舉新醅

殘臘

殘臘無多日吾生又一年林塘明夕照墟塔淡春烟山
色危欄角梅花綠酒邊歲時元自好老病獨淒然

雪中

忽忽悲窮處悠悠感歲華暮雲如潑墨春雪不成花眼
澁燈前暈詩成字半斜殘樽已傾盡試起問東家

夜中步月

夜半不成寐起尋微月行風生驚葉墮露重覺荷傾兀
兀酒中趣悠悠身後名興闌還掩戶坐待日東生

幽事

幽事春來早晨興即啓閣掃梁迎燕子插棘護龍孫數
日招賓友先期辦酒樽淋漓衣袖濕不管漬春痕

遊山

簫鼓湖山路天教脫帛機蟬聲入古寺馬影渡荒陂樵

唱時傾耳僧談亦解頤
徧門燈火鬧不敢恨歸遲

初春雜興

水長鷗初泛山寒茗未芽
深林聞社鼓落日照漁家
渡遠呼船久橋傾取路斜
客愁慵遠眺不是怯風沙

暮春

季子黃金盡安仁白髮新
無情五更雨便送一年春
難續西樓夢空存百陌身
海棠應似舊惆悵又成塵

小舟過古澤效王右丞

澤國霜露晚孤燈煙火微
本去官道遠自然人跡稀
木落山盡出鐘鳴僧獨歸
漁家閒似我未夕閉柴扉

冬日感興十韻

雨露天昏曠陂湖地阻深
蔽空鴉作陣暗路棘成林
有客風埃裏頻年老病侵
夢魂來二豎向法欠三壬
舊憤開孤劍新愁感斷砧
唐衢惟痛哭莊舄正悲吟
瘦跨秋門馬寒生野店衾
但思全舊壁敢冀訪遺簪
樓上蒼茫眼燈前破碎心
長吟傾濁酒慷慨厭層陰

登劍南西川門感懷

自古高樓傷客情更堪萬里望吳京
故人不見暮雲合客子欲歸春水生
瘴癘連年須藥石退藏無地著柴荆
諸公勉畫平戎策投老深思看太平

秋晚登北門

幅巾藜杖北城頭卷地西風滿眼愁
一點烽傳散關信兩行鴈帶杜陵秋
山河興廢客搔首身世安危人倚樓
橫梁賦詩非復昔夢魂猶繞古梁州

蜀苑賞梅

十里溫香撲馬來江頭還見去年梅
喜開刺欲邀明月
愁客先教掃綠苔
跌宕放翁新醉墨
淒涼廢苑舊歌臺
盛衰自古無窮事
莫向空明歎劫灰

席上作

綠波畫槩浣花船
清簟疎簾角黍筵
一幅葛巾林下客
百壺春酒飲中仙
散懷絲管繁華地
寄興江湖浩蕩天
浮世升沉何足計
丹成碧落珥貂蟬

送梅

零落梅花不自由，斷腸容易付東流。
與人又作經年別，問月應知此夜愁。
已是狂風卷平野，不禁橫笛起危樓。
何時小雪山陰路，處處尋香繫釣舟。

吳體寄張季良

九月十月天，雨霜江南劍南途。
路長平生故人阻，攜手萬里一書空。
斷腸人生強健已難恃，世事變遷那可常。
兩家子孫各長大，他年窮達毋相忘。

雨夜

斷岸輕烟著柳條
孤村小雨夜蕭蕭
荒鷄隔浦聲相續
短燭無風焰自搖
朴學無如縻歲月
殘生竟是老漁樵
最憐鬢畔千莖雪
日日春風吹不消

秋雨

一秋風雨蔽白日
積水鬼神愁
太陰寒蟹悲
鳴草根濕
水鳥嗔叫菰叢深
殘年不覺日月逝
病骨惟愁霜露侵
常有淖糜供
旦暮一毫寧
復少年心

寄子虛子遵

大兒再渡吳門秋小兒錢塘踰月留恨身不能插兩翅
與汝相守寬百憂聞鐘時宿雲外寺待月亦上湖邊樓
但常保此豈不樂路難悠悠非善謀

病起

山村病起帽圍寬春盡江南尚薄寒志士淒涼閒處老
名花零落雨中看斷香漠漠便支枕芳草離離獨倚闌
收拾吟牋停酒枕年來觸事動憂端

臨安春雨初霽

放翁以此詩見稱於
思陵故其名益重

世味年來薄似紗誰令騎馬客京華
小樓一夜聽春雨深巷明朝賣杏花
矮紙斜行閒作草晴窗細乳戲分茶
素衣莫起風塵歎猶及清明可到家

哀郢

荊州十月早梅春徂歲真同下坂論
天地何心窮壯士江湖從古著羈臣
淋漓痛飲長亭暮慷慨悲歌白髮新
欲弔章臺無處問廢城霜露濕荆榛

七月一日夜坐舍北水涯

兀傲胡牀酒半醒
釣筒收盡數舟橫
風生細葛無三伏
月上疎林正四更
北斗離離低欲盡
明河脉脉去無聲
升仙豈復塵中戀
便擬騎鯨返玉京

芳華樓夜飲

射虎將軍老不侯
尚能豪縱醉江樓
笙歌雜沓娛清夜
風露高寒接素秋
少日壯心輕玉塞
暮年幽夢到滄洲
人間清絕沅湘路
常笑靈均如許愁

秋思

大面峰前秋夕清
細腰宮畔暮灘平
吳檣楚柁勤歸思
隴月巴雲空復情
萬里風塵舊朝士
百年鉛槧老書生
水村漁市從今始
安得區區海內名

舜廟懷古

雲斷蒼梧竟不歸
江邊古廟鎖朱扉
山川不為興亡改
風月應憐感慨非
孤枕有時鶯喚夢
斜風無賴客添衣
千年回首消磨盡
輸與漁舟送落暉

上虞逆旅見舊題歲月感懷

舴艋為家東復西今朝破曉下前溪
青山缺處日初上孤店開時鶯亂啼
倦枕不成千里夢壞牆門覓十年題
漆園傲吏猶非達物我區區豈足齊

醉歸

持酒江頭到夕霏愁城頓覺解重圍
澄波宜月移船看醉面便風走馬歸
末路已驚添白髮故人頻報上黃扉
強隨宦薄成真嬾乞我吳公舊釣磯

贈林使君

使君物外閱年華，厭聽奴兵早暮衙。
雙屨蹋雲呼夜渡，一瓢邀月醉梅花。
紅爐點汞閒消日，烏几緡經不憶家。
我亦岷山有歸處，約君同載泝三巴。

得趙若川書因寄

澤居路絕人不到，晨起忽傳雙鯉魚。
儲淚一升悲世事，槭愁三尺看君書。
龍墀對策言傷直，山邑迎親計未疎。
老病閉門誰省錄，因風時肯問何如。

郊行夜讀書觸目

老翁病起厭端居
隨意東西不問途
露草野枯鷹欲下
江天雲濕鴈相呼
空垣破竈逃租屋
青幔紅燈賣酒壚
未畏還家蹋泥潦
園丁持炬小兒扶

書感

壯歲功名妄自期
晚途流落鬢成絲
臨風畫角晚三弄
釀雪野雲寒四垂
金鎖甲思酣戰地
皂貂裘記遠遊時
此心炯炯空添淚
青史他年未必知

小築

放翁卜築寄江郊屋破隨時旋補茅暮看白煙橫水際
曉聽清露滴松梢生來不啜猩猩酒老去那營燕燕巢
目斷鹿門三太息龐公千載可論交

舟中作

三百里湖新月時放翁艇子出尋詩城頭屋閣煙將合
波面虹橋柳未衰漁唱蒼茫連禹穴寒潮蕭瑟過娥祠
祖龍虛負求仙意身到蓬萊却不知

春陰

春風浩蕩作春陰，弱燕歸來不自禁。
白塔昏昏纔半露，青山淡淡欲平沉。
衰茸細雨初驚濕，屐齒新泥忽已深。
直怕樓高生客恨，不因病起倦登臨。

東湖新竹

插棘編籬謹護持，養成寒碧映淪漪。
清風掠地秋先到，赤日行天午不知。
解箨時聞聲簌簌，放梢初見影離離。
官閒我欲頻來此，枕簟仍教到處隨。

寓驛舍

閒坊古驛掩朱扉又憩空堂浣客衣
九萬里中鯤自化一千年外鶴仍歸
遶庭數竹饒新筍解帶量松長舊圍
惟有壁間詩句在暗塵殘墨兩依依

寓舍書懷

借得茅齋近笮橋羈懷病思兩無聊
春從苴苴梢頭老日向樗蒲齒上消
叢竹曉兼風力橫高梧夜挾雨聲驕
書生莫倚身常健未畫凌烟鬢已凋

夜宴

酒痕搖春不受寒
燭花垂燼忽堆盤
山川路邈人將老
絲管聲通夜向闌
四海交遊更聚散
百年光景雜悲歡
自憐病眼明猶在
更那名花半醉看

行賦擔西南村落有感

騎馬悠然欲斷魂
春愁滿眼與誰論
市朝遷變歸蕪沒
磧谷訝呀欲吐吞
一徑松楠遙見寺
數家鷄犬自成村
最憐高塚臨官道
細細煙莎見燒痕

涪州

古壘西偏曉繫舟倚欄搔首思悠悠欲營丹竈竟無地
不見荔枝空遠遊官道近江多亂石人家避水牛危樓
使君不用勤留客瘴雨蠻烟我欲愁

次韻何元立贈行

嘉榮東西州此別不為遠徘徊凌雪寺決去未遽忍登
高望故人煙樹參差見懸知今夕夢不隔空城鍵平生
相從意百年有未滿結巢青城雲期子在歲晚

歲暮

離離井上桐鬱鬱牆下桑零落豈不悲無奈中夜霜蟪
蟀更可念歲暮依客牀客亦自孤寂衣篝歇殘香一燈
掛西壁耿耿青無光援筆欲寫愁三喟不成章

在蜀有所盼

碧玉當家未破瓜學成歌舞入侯家如今憔悴蓬窗底
飛上青天妬落花

沈園

城上斜陽畫角哀
沈園非復舊池臺
傷心橋下春波綠
曾是驚鴻照影來

青村寺

十年淹泊望修門
臨水登山幾斷魂
短鬢星星身欲老
小樓明月宿青村

敘州二絕

畫船衝雨入戎州
縹緲山橫杜若洲
休信時平邊堠靜
傳烽夜夜到西樓

文章何罪觸雷霆風雨南溪自醉醒八十年間遺老盡
壞堂無壁草青青

小雨極涼舟中熟睡至夕

舟中一雨掃飛蠅半脫綸巾卧翠藤清夢初回窗日晚
數聲柔櫓下巴陵

觀華嚴閣僧齋

拂劍當年氣吐虹喑鳴坐覺朔庭空早知壯士成癡絕
悔不藏名萬衲中

讀書

面骨崢嶸鬢欲疎
退藏只合卧蝸廬
自嫌尚有人間意
射雉歸來夜讀書

雜詠

世事盛衰誰得知
惠陵煙草掩柴扉
陵邊人家叢竹裏
燈火呼喧迎婦歸

夜坐

大風橫吹斗柄折
迅雷下擊山石裂
放翁閉戶寂不聞

楞嚴卷盡燈花結

記夢

烏巾白紵憶當年抵死尋君不自憐
憔悴劍南雙鬢改
病中猶上暗門船

春晚感事

寒食梁州十萬家
秋千蹴踘尚豪華
犢車輾轆歸城晚
爭碾平蕪入亂花

白樂天詩倦倚繡牀愁不動
緩垂綠鬢髻鬟低
遼

陽春盡無消息夜合花開日又西好事者畫為倦
繡圖此花以五六月間開山中人殊不貴之

王室東遷歲月賒兩京漠漠暗風沙繡牀倦倚人何在
風雨漫山夜合花

軍中雜歌

漁陽女兒美如花春風樓上學琵琶如今便死知無恨
不屬番家屬漢家

冬夜聞角聲

娟娟青笳入雪雲白頭老守卧中軍自憐到老懷邊恨
不向居延塞外聞

三峽歌

亂插山花簪子紅蠻歌相和滾西東忽然四散不知處
蹋月捫蘿歸峒中

采蓮

雲散青天掛玉鈎石城艇子近新秋風鬟霧鬢歸來晚
忘却荷花記得愁


排悶絕句

四十從軍渭水邊
功名無命氣猶全
白頭爛醉東吳市
自拔長刀割鼠肩

雪中忽起從戎之興作二首

狐裘卧載錦駝車
酒醒冰髭結亂珠
三尺馬鞭裝白玉
雪中畫字草軍書

十萬貔貅出羽林
橫空殺氣結層陰
桑乾沙上初飛雪
未到幽州一丈深



宋藝圃集卷二十

欽定四庫全書

集部
宋藝圃集卷二十一

詳校官中書_臣陸 湘

侍讀_臣孫球覆勘

總校官庶吉士_臣何思鈞

校對官編修_臣李堯棟

謄錄監生_臣劉 璠

欽定四庫全書

宋堯圃集卷二十一

明 李袞 編

戴復古三十六首

伏龍山民宋正甫湖山清隱迺唐詩人陳陶故圃
曾景建作記俾僕賦詩

故人昔住金華峰面帶雙溪秋水容故人今住伏龍山
陳陶故圃茅三間千載清風徐孺子門前共此一湖水

百花洲上萬垂楊白鷗羣裏歌滄浪故人心事孺子高
故人詩句今陳陶短衣飯牛不逢堯何如繡鞍上著錦
宮袍瓦盆對客酌松醪何如紫霞觴泛碧葡萄豆箕然
火度寒宵何如玉堂夜照金蓮膏吟成秃筆寫芭蕉何
如沉香亭北醉揮毫再三問君君不對目送飛鴻楚天
外細讀山中招隱篇超然意與烟霞會照影湖邊雙鬢
皓此計知之悔不早三椽可辦願卜隣荷鋤相隨種瑶
草

會稽山中

曉風吹斷花梢雨，青山白雲無唾處。
嵐光滴翠濕人衣，踏碎瓊瑤溪上步。
人家遠近屋參差，半成圖畫半成詩。
若使山中無杜宇，登山臨水定忘歸。

鄂渚張唐卿周嘉仲送別

武昌江頭人送別，楊柳秋來不堪折。
漢陽門外望南樓，昨日不知今日愁。
英雄握手新相識，人情正好成南北。
酒闌人散最關情，一鴈西飛楚天碧。

歲暮呈真翰林

歲事朝朝迫家書字字愁
頻沽深巷酒獨倚異鄉樓
詩骨梅花瘦歸心江水流
狂謀渺無際恐看大刀頭

山中即目

岩路穿黃落人家隱翠微
籠鷄為鴨抱網犬逐鷄飛
竹好堪延客溪清欲浣衣
禪扉在何許僧笠戴雲歸

麻城道中

三杯成小醉行處總堪詩
臨水知魚樂觀山愛馬遲
林

塘飛翡翠籬落帶酴醾問訊邊頭事溪翁總不知

春日

浮滯江湖久蹉跎歲月新客愁茅店雨詩思柳橋春秣
馬尋歸路騎鯨問故人山林與朝市何處著吾身

蘇希亮約客游劉興伯大自在亭

偶爾來江上從君到酒邊雨晴花弄日風定柳凝煙適
意共一笑浮生無百年明朝大自在誰辦載花船

南豐縣南臺包敏道趙伯成同遊

笑傲南臺上東風吹鬢絲
明花在處春好雨晴時
樓閣多臨水溪山可賦詩
留連無盡意故遣酒行遲

姪淑遠遊不得書

客夢江湖遠窮居骨肉離
尺書無寄處中夜不眠時
念爾衣裘薄滿懷風露悲
狂遊斷消息深負竹林期

寄梅屋趙季防縣尉

疇昔交遊密睽違歲月多
石屏今老矣梅屋病如何
世路生荆棘家山足薜蘿
共尋深處隱此計莫蹉跎

訪西澗王深道

諸老傷凋謝淒涼屬此時相從一夜雨忍讀四哀詩世
事生愁緒秋風吹鬢絲黃花香晚節說與秀岩知

衡陽寫懷簡王景大趙俊卿

夢覺他鄉枕寒生半夜衾客程湖外遠秋意雨中深老
馬尋歸路羈鴉憶故林家書連數紙難寫此時心

九日

今日知何日他鄉憶故鄉黃花一杯酒白髮幾重陽日

金分四八卷之三十一
卷二十一
晚鴉爭宿天寒鴈叫霜客中無此醉何以敵淒涼

光澤溪上

艤棹西岩下舟人語夜闌風林無鳥宿石窟有龍蟠月
色連沙白灘聲入夢寒曉來新得句寄與故人看

金山水

水湧孤峰出波深日夜聞重岩戍鐵屋雙塔礙行雲天
地八窗迥江淮兩岸分登臨多感慨北鴈又成羣

赤壁

千載周公瑾如其在目前英風揮羽扇烈火破樓船白
鳥滄波上黃州赤壁邊長江酹明月更憶老坡仙

醉吟

一狂兼一懶窮到白頭年客路偏耽酒詩囊不貯錢吟
邊忘世故醉裏樂吾天不答諸公問何如孟浩然

到鄂渚

連宵歌舞醉東樓不信樽前有別愁半夜月明何處笛
長江風送故人舟十年浪迹游淮甸一枕高眠到鄂州

金瓶梅詞話卷二十一
卷二十一
明日擬蘇堤上看當春楊柳政風流

江村晚眺

數點歸鴉過別村
隔灘漁笛遠相聞
菰蒲斷岸潮痕濕
日落空江生白雲

湘中遇翁靈舒

天台山與鴈山隣
只隔中間一片雲
一片雲邊不相識
三千里外却逢君

客中秋晚

榴花纔放客辭家客裏因循見菊花
獨坐西樓對風雨
天寒猶自著輕紗

都中冬日

脫却鶴裘付酒家忍寒圖得醉京華
一冬天氣如春暖
昨日街頭賣杏花

次韻盧申之正字野興

芋圃蔬畦接井湄茅簷四面槿籬圍
門前盡日無人過
牛渡橫塘野鴨飛

金匱山房詩集
卷二十一
湘西寺觀瀾軒

東岸樓臺西岸山，瀟湘一片在中間。
紅塵不到滄波上，僧與白雲相共閒。

初夏遊張園

乳鴨池塘水淺深，熟梅天氣半晴陰。
東園載酒西園醉，摘盡枇杷一樹金。

別許季如

久不相逢喜合簪，相從未久又分襟。
扁舟自逐便風去。

却恨無情江水深

中秋李漕冰壺燕集

把酒冰壺接勝遊今年喜不負中秋故人心似中秋月
肯為狂夫照白頭

湖南漕李革夫被召乃西歸

浪說歸期歸豫章新居萬里百花傍何如表奏明光殿
乞取東湖作醉鄉

既別諸故舊獨黃希聲往曲江稟議未回不及語

離

別盡諸君不見君
客愁多似海南雲
一聲何處離羣鴈
那向江村靜處聞

林伯仁話別

別酒三杯醉不知
梅花嶺外故人稀
片心暗逐白雲去
日日向君行處飛

戴昺四首

侍屏翁遊屏山分得水字

攜琴入空山，脩竹翠相倚。
一曲千古心，泠泠寄流水。
拂雲卧白石，冥搜契玄理。
有時采薪人，歌聲隔林起。

秋日過屏山庵二首

淒切抱葉蟬，間闕棲樹禽。
入山本避喧，復愛聆此音。
微颺動夕爽，薄雲散秋陰。
衆籟闐以靜，片月生東林。

二

山泉清且甘，漱之冷侵骨。
拂苔坐石上，松風更蕭瑟。
悠悠行空雲，何心自出沒。
六鑿忽玲瓏，五計良未失。

天台道上早行

篋輿軋軋過清溪
溪上梅花壓水低
月影漸收天半曉
兩山相對竹雞啼

黃榦一首

答曾伯玉

白露下百草
迅商薄修林
幽人起長懷
感此節物深
攬衣自徘徊
撫劍還悲吟
丈夫各有志
莫作兒曹心
涉遠當疾趨
畏景須就陰
願言理輕車
去上南山岑

謝枋得二首

慶全庵桃花

尋得桃源好避秦
桃紅又見一年春
春花飛莫遣隨流水
怕有漁郎來問津

蠶婦吟

子規啼徹四更時
起視蠶稠怕葉稀
不信樓頭楊柳月
玉人歌舞未曾歸

文天祥二十九首

生日和謝愛山長句

寓形落落大塊間，噓吸一氣自往還。
桑弧未了男子事，何能局促甘囚山。
昔年此日作初度，賓客如雲劇歡舞。
今年避影却閉門，捧觴自壽白頭母。
故人憶我能遠來，虹光滿袖生瓊瑰。
一杯相屬慰岑寂，使我發笑愁顏開。
簸揚且聽箕張口，丈夫壯氣須衝斗。
夜闌扶劍碧光寒，握手相期出雲表。

六歌

有妻有妻出糟糠自小结髮不下堂亂離中道逢
虎狼鳳飛翩翩失其凰將雛一一去何方豈料國
破家亦亡不忍舍君羅襦裳天長地遠終茫茫牛
女夜夜遙相望嗚呼一歌兮歌正長悲風北來起
徬徨

有妹有妹家流離良人去後攜諸兒北風吹沙塞
草萋窮原慘淡將安歸去年哭母南海湄三男一
女同歔歔惟汝不在割我肌汝家零落母不知母

金史卷八十一
卷二十一
知豈有瞑目時嗚呼再歌兮歌孔悲鶴鴿在原我
何為

有女有女婉清揚大者學帖臨鍾王小者讀字聲
琅琅朔風吹衣白日黃一雙白壁委道傍鴈兒啄
啄秋無梁隨母北狩誰人將嗚呼三歌兮歌愈傷
非為兒女淚淋浪

有子有子風骨殊釋氏抱送徐卿雛四月八日摩
尼珠榴花犀錢絡繡襦蘭湯百沸香如酥歛隨飛

電飄泥途汝兄十三騎鯨魚汝今三歲知在無鳴
呼四歌兮歌以吁燈前老我明月孤

有妾有妾今何如大者手將玉蟾蜍次者親抱汗
血駒晨粧靚服臨西湖英英鴈落飄瓊瑀風花飛
墜烏嗚呼金莖沆瀣浮汙渠天摧地裂龍鳳俎美
人塵土何代無嗚呼五歌兮歌鬱紆為爾遡風立
斯須

我生我生何不辰孤根不識桃李春天寒日短重愁人

北風隨我鐵馬塵初憐骨肉鍾竒禍而今骨肉重憐我
汝在空今嬰我懷我死誰當收我骸人生百年何醜好
黃梁得喪俱草草嗚呼六歌兮勿復道出門可笑天地
老

除夜

乾坤空落落歲月去堂堂末路驚風雨窮邊飽雪霜命
隨年欲盡身與世俱忘無復屠蘇夢挑燈夜未央

元日

慙愧雲臺客飄零雪滿羶不圖朱鳥影猶見白蛇年宮
殿荒烟隔門庭宿草連乾坤自春色回首一潸然

元夕二首

燈火喧三市衣冠宴九宸金吾不禁夜公子早行春夢
斷青山遠愁侵白髮新燕山今夕月清影伴孤臣

二

飄零竟如此元夕幾堪憐南國張燈火燕山沸管絃相
思雲萬里剩看月三年笑與東風道浮生信偶然

餞新班第

送君天上去當戶理瑤琴萬里白鷗遠千山黃葉深江
空行路影日暮倚門心若見西湖雪灞橋人正吟

題黃岡寺次吳復齋韻

長江幾千里萬折必歸東南浦驚新鴈廬山隔晚風人
行荒樹外秋在斷蕪中何日洗兵馬車書四海同

別謝愛山

綠綺知音早青燈對語遲那知今雨別又重故人思山

隔詩情遠雲含客思悲小樓今夜笛莫向月中吹

挽潮守吳西林

傾蓋歲年晚相知江海深春天思北樹夜語話西林五
嶺生前夢中原地下心英雄凋落盡慷慨一沾襟

挽太博朱古平

鐵硯傷同志青燈憶舊遊臨軒朝鳳闕馳道聽雞籌魏
野神仙宅元龍湖海樓西風一揮淚世事蓋棺休

安序宋吏部來收衡陽某將指聯事好也會以便

郡歸養獲忝交承臨發賦詩

傾蓋年華晚行人早發湘白雲虹浪小明月燕光香南
浦春何急巴山日正長祝君加一飯我意為桐鄉

將母赴贛道西昌

重來鷗閣曉帆影漲新晴倚檻雲來去開簾花送迎江
湖春汗漫歲月老崢嶸手把忘憂草夔夔繞太清

翠玉樓

昏鴉何處落野渡少人行黃葉聲在地青山影入城江

湖行客夢風雨故鄉情試問南來信梅花三兩英

合江樓二首

天上名鷓尾人間說虎頭春風千萬岫秋水兩三洲客
晚驚黃葉官閒笑白鷗雙江日東下我欲賦扁舟

二

西楚驚鴻晚東淮落木秋蒸湘今石鼓句宛古宣州白
日聊清賞青山總舊遊不知滄海水何處接天流

挽劉知縣

玉海淵源懿金闈步武高功名千載意翰墨一時豪天
馬含風骨秋鷹折羽毛相逢俱白髮流涕濕征舸

山中三首

兩兩漁舟搖下雙雙紫燕飛
回流水白雲芳草清風明
月蒼苔

鶴外竹聲簌簌座邊松影疎
疎夜靜不收棋局日高猶
卧紗厨

風煖江鴻海燕雨晴簷鵲
林鳩一段青山顏色不隨江

水俱流

正月十三日

去年今日適崖山望見龍舟咫尺間海上樓臺俄已變
河陽車駕不須還可憐羝乳煙橫塞空想鶻啼月掩關
世上流光忽如此東風吹雪鬢毛斑

貧女吟二首

柴門寒自閉不識賞花心春筍翠如玉為人拈繡針

二

竹扇掩紅顏辛苦紉白苧人間羅雪香白苧汗如雨

過金陵

草舍離宮轉夕暉孤雲飄泊欲何依山河風景元無異
城郭人民半已非滿地蘆花和我老舊家燕子傍誰飛
從今別却江南日化作啼鶻帶血歸

山中即事

攜壺籍草醉斜陽白鶴飛來月下雙蘆葉西風驚別浦
芭蕉夜雨隔疎窗千年帝子朱簾夢一曲仙人鐵笛腔

若問仙翁還瘦否手持漁竹下寒江

王栢一首

漁舟晚笛

落日下大野江邊漁事收小舟橫斷岸長笛一聲秋

何基二首

春日閒居

輕陰薄薄籠朝曦小雨斑斑濕燕泥春草階前隨意綠
曉鶯花裏盡情啼



春曉郊行

村烟澹澹日沉西
岸柳陰陰水拍堤
江上暖風吹樹急
落紅滿地鷓鴣啼

高茂華一首

寄王越州

五年不出青門道
邂逅尋春此一回
忽憶秦川貴公子
桃花落盡合歸來

邢安國二首

雜詩

竹塢人家瀕小溪
數枝紅杏出疎籬
門前山色帶烟重
幽鳥一聲春日遲

寒林烟重暝棲鴉
遠寺疎鐘送落霞
無限嶺雲遮不斷
數聲和月到山家

劉一止一首

題光福寺

涓涓壁澗通小池
小雨廉纖未作泥
深炷爐香高著火

何須騎馬聽朝雞

黃今是三首

漁父醉

青烟何處淡孤洲
有客經年業一鉤
芳草渡頭新貫酒
碧雲天際已歸舟

丹楓萬點照人緋
鱸膾千絲帶水肥
花影芙蓉江上酒
佳人誰喚醉翁歸

天淡瀟湘南北家
花隨流水水流花
一竿明月何人會

又逐虛船過白沙

陳光道四首

物外紀遊

梅石榴花映綺窗
碧芙蓉朶亞銀塘
青鸞不舞蒼虬卧
滿院春風白日長

沉沉香霧映房櫳
剪剪簷頭盡日風
汗雨頓稀塵慮息
始知身在藥珠宮

老聃西逝即浮屠
莫怪窗間貝葉書
長晒楊妃仙格劣

却教鸚鵡誦真如

瓊漿飲罷月西沉
瞬息歡游直萬金
塵累滿懷那住得
鳳鸞休作別離音

宗道一首

寶晶僧舍

寂寂鍾魚栢滿軒
午風輕颺煮茶烟
西堂竟日無人到
只許山人借榻眠

潘用中一首

出郊值黃府女

誰教窄路却相逢
脉脉靈犀一點通
最恨無情芳草路
匿蘭含蕙各西東

張幼謙一首

寄羅惜惜

昔人一別恨悠悠
猶把梅花寄隴頭
咫尺花開君不見
有人獨自對花愁

宋幼主一首

在京師作

寄語林和靖梅花幾度開黃金臺下客應是不歸來

宋藝圃集卷二十一

欽定四庫全書

宋藝圃集卷二十二

明 李萊 編

僧希畫六首

寄題武當郡守吏隱亭

郡亭傳吏隱閒自使君心
卷幕知來客懸燈見宿禽
茶煙逢石斷碁響入花深
會逐南帆便乘秋寄此吟

書惠崇師房

詩名在四方獨此寄閒房故域寒濤濶春城夜夢長禽
聲沉遠水花影動回廊幾為分題客殷勤掃石牀

寄懷古

見說鵬陰僻人烟半雜羌秋深邊日短風動曉茄長樹
勢分孤壘河流出遠荒遙知林下客冷苦夜禪忘

送嗣端東歸

遠念生泉石入中事欲銷卷衣城木落尋寺海山遙帆
影迷寒鴈經聲隱暮潮後期俱未定况我鬢先凋

送可倫赴廣南轉運使君見招

別語畏殘漏心懸瘴海邊
回期無定日去路極遙天
苦霧沉山郭寒沙漲隰田
幾宵尋使府清話廢閒眠

早春闕下寄觀公

客心長念隱早晚得書招
看月前期阻論山靜會遙微
陽生遠道殘雪下中宵坐
見青門柳依依又結條

僧保進二首

送簡長上人之洛陽

門身無所滯，獨去背春城。望越鄉心斷，迎嵩隱思生。野
禪依樹遠，中飯傍泉清。相府如投刺，分題有竺卿。

早秋閒寄宇昭

牕虛枕簟明，微覺早涼生。深院無人語，長松滴雨聲。詩
來禪外得，愁入靜中平。遠念西林下，相思合慰情。

僧文兆二首

宿西山精舍

西山乘興宿，靜稱寂寥心。一徑杉松老，三更雨雪深。草

堂僧語息雲閣磬聲沉未遂長棲此雙峰待曉尋

送簡長師之洛

動靜非常態超然西去心水期經洛聽雲約到嵩吟齋
訪烟村遠禪依竹寺深祇應風雅道相府是知音

僧行肇三首

郊居吟

靜室簾孤捲幽光墜露多徑寒杉影轉牕晚雪聲過茗
味沙泉合壺香竹靄和遙懷起深夕一作風雨舊寺隔滄波

酬贈夢真上人

禪舍因吟往晴來坐徹宵春通三徑晚家別九江遙巢
重禽初宿牕明葉旋飄住期應未定謝守有詩招

送文光上人西遊

高木墜殘霖關河入遠心高遊忘楚夢華近識秦音塔
古懸圖認碑荒背燒尋幾思興替事獨上灞陵吟

僧簡長三首

贈浩律師

浩也毘尼學精於玉帳嚴蟻酣停掃砌燕乳記鈎簾茶
鼎敲冰煮花壺澆水添夢回池草綠忍踐綠纖纖

送僧南歸

漸老念鄉國先歸獨羨君吳山全接漢江樹半藏雲振
錫林煙斷添瓶澗月分重棲上方定孤吟雪中聞

送行禪師

南國山重疊歸心向石門寄禪依鳥道絕食過漁村楚
雪黏瓶凍江沙濺衲昏白雲深隱處枕上海濤翻

僧惟鳳四首

與行肇師宿廬山棲賢寺

水瀑寒侵室圍爐靜話長
詩心全大雅祖意會諸方
磬斷危杉月燈殘古塔霜
無眠向暝夕又約去衡陽

送陳彥處士

草長關路微離思更依依
家遠知琴在時清買劍歸
孤城回短角獨樹隔殘暉
別有鄰漁約相迎掃釣磯

寄希晝

關中吟鬢改多事與心違客路逢人少家書入闕稀秋
聲落晚木夜魄透寒衣幾想林間社他年許共歸

弔長禪師

霜鐘侵漏急相弔晚悲濃海客傳遺偈林僧寫病容漱
泉流落葉定石集鳴蛩回首雲門望殘陽下遠峰

僧惠崇三首

訪楊雲卿淮上別墅

地近得頻到相攜向野亭河分岡勢斷春入燒痕青望

久人收釣吟餘鶴振翎不愁歸路晚明月上前汀

贈文兆

偶依京寺住誰復得相尋獨鶴窺朝講鄰僧聽夜琴注
瓶沙井遠鳴磬雪房深久與松蘿別空懸王屋心

池上鷺分韻得明字

雨絕方塘溢遲回不復驚曝翎沙日暖引步島風清照
水千尋迥棲烟一點明主人池上鳳見爾憶蓬瀛

僧宇昭二首

寄保暹師

吟會失秋期荒山寄病時
客髭生白早叢木落青遲
渴飲窺莎井陰蟲占菊籬
歸心何以見霜月下天涯

幽居即事

掃苔人迹外漸老喜深藏
路僻閒行遠春晴晝睡長
餘花留暮蝶幽草戀殘陽
盡日空林下孤禪念石霜

僧懷古一首

寺居寄簡長

雪苑東山寺山深少往還紅塵無夢想白日自安閒杖履苔痕上香燈樹影間何須曳飛錫歸隱沃州山

僧遵式二首

酬伉上人

鳥臥清閑極誰能更似君山光晴後見瀑響夜深聞拾句書幽石收茶踏亂雲江頭待無事終學棄人羣

贈智倫弟

溪竹擁疎簾溪雲冷不厭千巖唯虎伴一講許詩兼煮

茗敲冰柱看經就雪簷有時開靜戶寒日下峰尖

僧道潛六首

再遊鶴林寺

招隱山南寺重來歲已寒
風林驚墜雪雨澗咽飛湍
壁暗詩千首霜清竹萬竿
東軒謫仙句洗眼共君看

夏日龍井書事

雨過千巖爽氣新
孤懷入夜與誰鄰
風蟬故故頻移樹
山月時時自近人
禮樂汝其攻我短
形骸吾已付天真

露華漸冷飛蚊息
牕裏銀燈亦可觀

二

自憐多病畏炎曦
長夏投蹤此最宜
青石白沙含淺瀨
碧梧蒼竹聒涼颺
雲中雞犬聽難辨
谷口漁樵問不知
斑杖芒鞋隨步遠
歸來煙火認茅茨

杭州坡外

城隈野水綠逶迤
裊裊輕舟掠岸過
欲採芸蘭無覓處
野花汀草占春多

席上贈妓

多謝尊前窈窕娘，好將幽夢惱襄王。
禪心已作沾泥絮，不逐東風上下狂。

臨平道中

風蒲獵獵弄輕柔，欲立蜻蜓不自由。
五月臨平山下路，

藕花無數滿

一作亂

汀洲

僧契嵩十七首

寄月禪師

聞道安禪處深蘿住隔溪清猿定中發幽鳥坐邊栖雲
影朝晡別山峰遠近齊不知誰問法雪夜立江西

送公濟冲晦出山兼簡駐泊李思文

幾日山遊霰雪稀相隨野老亦忘機始憐洞裏雲堪臥
又憶人間歲杪歸夜落梅花應滿路風含春色自吹衣
憑君為語王孫道音信終須寄鳥飛

感遇

五首

海水晦夜清秋色涵蓬壺有叟雙龍翁鐵網羅珊瑚風

雲浩容與悵恨何所圖欲問天上人可換明月無

二

仙人白玉京去去何漂渺瓊樓十二層玲瓏汎雲表銀
湍月為波萬頃即池沼秋來宮殿光逗落人間曉空際
時澄明煙霞渺青鳥可見不可到所思空杳杳

三

蒼茫天地間流光一何遽曾聞太古人未見曦輪駐才
沉崦嵫雲還上扶桑樹山色愁裏暝天影夢中曙安知

穆天子龍馬神為御萬里速乘風又向瑤臺去超逸侶
神仙此理當何故不向堯年長永使人間住

四

空虛澄遠煙霽色含秋景思君每盤桓駐目千峰頂明
月初團圓可照美人影美人來不來雲霞渺林嶺

五

悠然巖子陵遠大家廓器故人貴為君白駒要不至耽
閒戀淥潭高超弄芳餌青山汎白雲萬古寄高意侯霸

不知道初亦嫌傲志何事卑王侯其心越天地因悲婁
護輩胡為附權勢流游絳灌間折節踰蹀例皇皇古皇
道勞生自拘繫不如歸去來乘風拂長袂

送客還北關道中作

北郭送楊子日斜歸舊居路泥侵曉潤晦月逼春餘桑
柘雨中綠人煙關外疎依然見風俗歸興渾樵漁

入石壁山

身似芙蓉年似流人間擾攘只宜休老來已習青蘿子

隱去應追白道猷直入亂山寧計路定看落葉始知秋
他時谷口人相遇莫問裁詩謝五侯

古意

二首

風吹一點雲散漫為春雨洒余松栢林青葱枝可取持
此歲寒操手中空楚楚幽谷無人來日暮意誰與

二

雲中見雙鳥高飛揭日月毛羽賁文章翺翺異鷹鷂
然邈千里竟不顧林樾春風漫飄颻勁翮更超忽陌上

遊俠子窺爾徒倉卒雖有金彈丸睥睨不敢發因知竒
異資自保長超越回視黃雀羣胡為戀塵埽

懷越中兼示山陰諸名士

厭見人境喧清游憶靈越東南千萬山浮青滿寥泬從
來鑑中景形勝人間絕月湛換鵝溪雲起藏書穴客子
若飄蓬遽與故人別尺素未及通芳草已云歇所悲行
路難俯仰損名節鳴鴈欲東飛寄語謝明月

湖上晚歸

人間薄游罷歸與尋舊隱春崖行未窮夕陽看欲盡嵐
光山際淡天影水邊近自憐幽趣真清吟更長引

山舍晚歸

薄暮還精廬徐行無所並日入月還清山空水更靜仿
佛聞疎鐘倏然在西嶺寄與高世流來茲謝塵境

郎侍郎致仕

平時獨高謝道勝欲輻光白髮辭明主青山戀故鄉樂
畦容鶴到吟徑恐雲藏更愛禪林臥時來拂石牀

汎若耶溪

越水乘春泛船窗掩又開好山沿岸去驟雨落花來岸
影樵人渡歌聲沆女回滄浪無限意日暮更悠哉

書南山六和寺

青葱玉樹接溪岑臺閣凌虛地布金行到白雲重疊處
水聲松韻淡人心

僧惟晤一首

遊天竺寺

天寒雨細日將暮沉滑誰禁策馬還砂穴土泉鳴泱泱
竹叢歸鳥語闌闌聊希謝客須穿屐莫羨支公獨買山
方外論交情未淺願陪投老白雲間

僧清順二首

書景舒菴壁

大布君能衣始知蠶口非塚間容一榻身外但三衣護
戒避生草淨心觀落暉寂寥能自守今世固應稀

書壁

竹暗不通日泉聲落如雨春風自有期桃李亂深塢

僧惠洪一首

贈尼昧上人

不著色頭絹能披壞衲衣愧無灌溪辯敢對未山機未肯題紅葉終期老翠微余今倦行役投杖夢煙扉

僧善權二首

寄致虛兄

避寇經重險懷君屢陟岡空餘接浙飯無復宿春糧衣

袂饒霜露柴荆是虎狼春來何所恨裊萼政含芳

春

急雨高槐暮微風新竹涼要須攜麈尾來此據胡牀稍
稍雲生砌低低月度牆平生興不淺衰謝意俱忘

僧元肇一首

徑山

東西兩徑幽歲晚得同遊壑雪陰猶在溪雲凍不浮鳥
驚樵斧重猿掛樹枝柔怕有梅花發因行到水頭

僧善珍一首

春寒

松間燈夕過，顧影在天涯。
雪暝迷歸鶴，春寒誤早花。
艱難知世味，貧病厭年華。
故國風塵外，無人可問家。

僧智圓一首

贈聞聰師

澹然塵慮絕，禪外苦風騷。
性覺眠雲僻，名因背俗高。
水煙蒸紙帳，寒髮澁銅刀。
幾宿秋江寺，閒吟聽夜濤。

僧秘演一首

山中

結茅臨水石澹寂益閒吟久雨寒蟬少空山落葉深危樓乘月上遠寺聽鐘尋昨日江僧信期來此息心

僧贊寧一首

居天柱山

四野豁家庭柴門夜不扃水邊成半偈月下了殘經雖逐諸塵轉終歸一念醒未知斯旨者萬役自勞形

僧印一首

周侯祠

將軍手持三尺劍奮身直入蛟龍穴至今魚鱉不敢遊
溪流上下皆腥血千年廟食未足酬問之父老何其憂
害人白額猶未盡紛紛不獨南山頭

梵崇一首

春晚

春光過眼只須臾榆莢楊花掃地無却憶菩提湖上寺

綠荷擎雨看跳珠

僧志南一首

絕句

古木陰中繫短蓬
杖藜扶我過橋東
沾衣欲濕杏花雨
吹面不寒楊柳風

僧暉二首

潤州

北固樓前一笛風
斷雲飛出建章宮
江南二月多芳草

春在濛濛細雨中

題洞靈觀

古觀多松檜幽期近暮秋
坐看新月上閒見斷雲愁
野思同花鳥鄉情隔島洲
輕寒披鶴氅隱几自搔頭

洪覺範一首

上元宿嶽麓寺

上元獨宿寒宮寺
臥看篝燈映絳紗
夜久雪猿啼嶽頂
夢回明月上梅花
十分春色緣何事
一掬鄉心未到家

却憶少年閒樂處軟紅香霧噴京華

僧善懃一首

洛下別同志

歲暮遠交朋攜筇背洛城往來興廢地今古別離情疊
翠嵩峰色瀉寒伊水聲它年再相會却訝白髭生

僧法具三首

送僧

灘聲嘈嘈雜雨聲舍南舍北春水平拄杖穿花出門去

五湖風浪白鷗輕

和子蒼三馬圖

從來畫馬稱神妙至今只說江都王將軍曹霸實李仲
沙苑丞相猶諸郎龍眠居士善畫馬獨與二子遙相忘
兩馬駢立真驕驕一馬脫去仍騰驤浣花老人今已亡
嗚呼五馬誰平章飽知畫肉亦畫骨妙處不減黃無雙

絕句

燒燈過了客思家獨立衡門對晚霞燕子未歸梅落盡

小窗明月屬梨花

僧思雅一首

送王山人歸千峰

舊居千萬岑歸去獨攜琴物外情難過雲中路再尋花
繁溪圓合柳暗野橋深想到垂綸處和苔掃竹陰

僧文坦一首

寒食野步

寒食出重闌郊原忽愴神人悲新舊塚花落古今春名

位空標史賢愚盡委塵斜陽回首處龍木噪鴉頻

僧惠渙一首

送王山人歸隱

山人惟委命豈戀世塵間干祿不得志移家住遠山醉
眠溪石靜吟倚草堂閒到想無餘事林僧日往還

道人一首

絕句

瑤峰一別杳難期消渴從教醉枕敲不信丹青能畫得

五更燈暗月來時

白玉蟾二首

上已

十紅萬紫競繁華
鶯燕多依富貴家
上已蘭亭修禊事
一年春色又楊花

中秋

十崖爽氣已平分
萬里青天破玉輪
如向錢塘江上望
相逢却是廣寒人

蜀翊聖徐妃

謁丈人觀先帝聖容

共謁御容儀還同在禁闈笙歌喧玉殿彩仗耀金徽清
淚霑羅袂紅霞扶繡衣九疑山水遠無路繼湘妃

蜀順聖徐妃

天迴驛

因尋靈境散幽情千里江山暫得行即恨煙光看未足
却驅金翠入龜城

花蓋夫人費氏十八首

宮詞

五雲樓閣鳳城間
花木長新日月閒
三十六宮連內苑
太平天子住崑山

龍池九曲遠相通
楊柳絲牽兩岸風
長似江南好風景
畫船來去碧波中

厨盤進食簇時新
侍宴無非列近臣
日午殿頭宣索膾
隔花催喚打魚人

離宮別院繞宮城金版輕敲合鳳笙
夜夜月明花樹底
傍池長有按歌聲

選進仙韶第一人才勝羅綺不勝春
重教按舞桃花下
只踏殘紅作地裀

西風吹葉撼宮梧早怯秋寒著繡
繡玉宇無人雙燕去
一彎新月上金樞

夜寒金屋篆煙飛燈燭分明在紫微
漏永禁宮三十六
燕回爭踏月輪歸

金史卷之五十五
卷二十二
曉吹翩翩動翠旗
爐煙千疊瑞雲飛
何人奏對偏移刻
御史天香隔繡衣

內庭秋燕玉池東
香散荷花水殿風
阿監採菱牽錦纜
月明猶在畫船中

天門宴閉九重闕
樓倚銀河氣象間
一點星毬垂絳闕
五雲仙仗下蓬山

禁裡春濃蝶自飛
御蠶眠處弄新絲
碧窻盡日教鸚鵡
念得君王數首詩

鬪草深宮玉檻前
春蒲如箭箭如錢
不知紅藥闌干曲
日暮何人落翠鈿

御座垂簾繡額單
冰山重疊貯金盤
玉清迢遞無塵到
殿角東西五月寒

內人相續報花開
準擬君王便看來
縫著五絃琴繡袋
宜春院裏按歌回

小隨阿姊學吹笙
好見君王乞與名
夜掃玉牀朝把鏡
黃金塔下不教行

鸚鵡誰教轉古關內人
手裏養來好語多
近更承恩澤
數對君王憶隴山

三清臺近苑牆東
樓檻層層映水紅
盡日綺羅入度曲
管絃聲在半天中

梨園弟子簇池頭
小樂攜來候燕遊
試夾銀箏先按拍
海棠花下合梁州

朱淑真二首

落花

連理枝頭花正開
妒花風雨便相催
願教青帝長為主
莫遣紛紛點翠苔

節景

竹搖青影罩幽窗
兩兩時禽噪夕陽
謝却海棠飛盡絮
困人天氣日初長

王氏女一首

西窗

白藕作花風已秋
不堪殘睡更回頭
晚風帶雨歸飛急

去作西窗一夜愁

黃府女一首

怕子裏挑擲潘生

前卷有潘用冲出
郊值黃府女詩

關干閒倚日偏長
短笛無情苦斷腸
安得身輕如燕子
隨風容易到君傍

紫姑僊一首

命臚

寒巖雪壓松枝折
斑斑剝盡青蛇血
運斤巧匠斲削成

劍脊半開魚尾裂五湖仙子多奇致欲駕神舟探仙穴
碧雲不斷曉山橫數聲搖落江天月

女仙三首

絕句

柳條金嫩不勝鴉青粉牆邊道韞家燕子未來春寂寞
小窗和雨夢梨花

松影侵壇琳觀靜桃花流水石橋寒東風吹過雙蝴蝶
人倚危樓第幾闌

屈曲闌干月半規
藕花香淡水漪漪
分明一夜文姬夢
只有青團扇子知

夢中嬾人一首

陽春曲

長安少女翫春陽
何處春陽不斷腸
舞袖弓腰渾忘却
娥眉空帶九秋霜

妓胡楚三首

贈周韶落籍

淡粧濃素鶴翎紅移入朱闌便不同應嘆西園桃與李
強勻顏色待春風

情詩

不見當年丁令威年來處處是相思若將此恨同芳草
却恐青青有盡時

妓周韶一首

詠蒼間白鸚鵡

隴上巢空歲月驚忍看回首自梳翎開籠若放雪衣去

長念觀音般若經

妓龍靚二首

贈周韶落籍

桃花流水本無塵一落人間幾度春
解珮暫酬交甫意濯纓還作武陵人

獻張子野

天與羣芳十樣葩獨分春色不堪誇
牡丹芍藥入題徧自分身如鼓子花

倡周氏一首

贈陳玘

夢和殘月過樓西
月過樓西夢已迷
喚起一聲腸斷處
落花枝上鷓鴣啼

吳妓盈盈三首

傷春曲寄玉山

芳菲時節花壓枝
折蜂蝶掩闌干
尤怯一旦碎花魂
葬花骨峰兮蝶兮
何不來空使雕闌對寒月

約王山遊東山

枝上差差綠林中蕪蕪紅已嘆芳菲盡安能樽俎空君
不見銅駝茂草長安東金鑣玉勒雪花驄二十年前仍
俠少纍纍昨日成衰翁幾時滿飲流霞鍾共君倒載夕
陽中

書石上

絳闕珠宮鎖亂霞長生未曉棄繁華斷無方朔人間信
遠阻麻姑洞裡家累劫遙翻滄海水深春難謝碧桃花

紫臺未穩瑤池大鳳小龍嬌日又斜

桂英二首

寄王魁登第

上都梳洗逐時宜料得良人見即思早晚歸來幽閣內
須教張敞畫新眉

又

上國笙歌錦繡鄉仙郎得意正疎狂誰知憔悴幽閨客
日覺春衣帶系長

不知名二首

題驛舍壁

鼙鼓轟轟聲徹天中原廬井半蕭然鶯花不管興亡事
粧點春光似去年

渭平沙淺鴈來棲渭漲沙移鴈不歸江海一身多少事
清風明月我沾衣

無名氏二首

白龍池

一鑑自泓澄高原發地靈老僧來洗鉢不畏白龍腥

醪醑軒

詰曲小軒斜醪醑一架遮春風零落後渾似雨天花

亡名氏二首

臨安旅邸壁間

太一峰前是我家滿牀書籍舊生涯春城戀酒不歸去
老却碧桃無限花

建州崇安分水驛壁題句

江南三月已聞蟬
麥熟梅黃繭作綿
料得故園烟雨裏
輕寒猶作勒花天

亡名氏一首

獻韓魏公

是非莫問門前客
得失須憑塞上翁
引取碧油紅旆去
鄴王臺上醉春風

宋藝圃集卷二十二